

建康實錄

十四

高祖武皇帝



高祖武皇帝姓蕭名衍字叔達小字練兒蘭陵中都人漢相國何之後而與齊朝同承淮陰令整整生皇高祖鎡位濟陰太守鎡生皇曾祖副子位州治中從事副子生皇祖道賜位南臺治書侍御道賜生皇考順之字文緯齊高祖族弟參預佐命封臨湘侯累至領軍將軍丹陽內史高祖以宋大明元年甲辰歲生于秣陵縣同夏里三橋宅初皇妣張氏常夢抱日已而有孕乃生帝帝生有奇異之光兩髀胼骨狀貌殊特頂上隆起日角龍顏重嶽虎顧舌文為八字項有浮沬身映日無影為兒童能蹈空而行有文在左手曰武及長博學多通好籌略有文武才幹流輩咸推許焉所居宅常若有雲氣人有遇者體輒蕭然起家巴陵王參軍遷衛軍王儉府東門祭酒王儉一見深相器異請為戶曹屬謂廬江何憲曰此蕭郎三十內當作侍中出此則貴不可言齊景陵王子良開西邸招文學之士高祖與沈約謝朓王融蕭琛范雲任昉陸倕等並遊焉號為八友王融俊爽識鑒過人尤劭異高祖每謂所親曰宰制天下必在此人累遷隋王諮議行經牛渚逢風入泊龍瀆有一老人謂曰君龍行虎步貴不可言天下將亂能安之者其在君乎以皇

考艱去職齊明帝輔政爲寧朔將軍鎮壽春服闕拜
黃門侍郎入直殿省與蕭詵等定策封建陽侯建武
二年虜寇司州以高祖爲冠軍討之進戰魏軍奔圍
走還爲太子中庶子領羽林監頃之出鎮石頭四年
敗魏軍於雍州進使持節雍梁南北秦四州軍事雍
州刺史其月齊明帝崩及東昏侯立而揚州刺史始
安王遙光尚書令徐孝嗣右僕射江祐將軍蕭坦之
侍中江祀衛尉劉暄更直內省使分日帖勅世所謂
六貴高祖聞之謂從舅張弘策曰政出多門亂其階
矣詩云一國三公吾誰適從况此六貴也又有御刀
茹法珍梅岳兒豐勇之等八人號爲八要及舍人三
暄之等四十餘人皆口擅王命權行國憲今有六貴
而何得理嫌隙若成方將誅滅當今避難唯有此地
但勤行仁義可坐作西伯然諸弟在都恐不離患須
與益州圖之時高祖長兄懿罷益州還仍行潁州事
使弘策詣都陳計於懿去晉惠庸主諸王爭權遂內
難九興外寇三作今六貴爭權人握邦憲制王畫勅
各欲專威始安將爲趙倫形迹已見蹇人上天信無
此理正徐孝嗣才稱柱石聽人穿鼻幸圖身計不可
後人智者見機無待終日懿聞色變心不之許是歲
高祖到襄陽潛造器械伐竹木於檀溪密爲舟裝之備
所住齋常有五色氣迴轉狀若蟠龍其上紫雲騰起

形如織蓋望者莫不異焉永元二年冬黠被害信至
高祖密召長史王茂中兵呂僧珍別駕柳慶遠功曹
史吉等謀之以十一月乙巳召僚佐集之廳事謂曰
武王會孟津皆曰紂可伐今昏虐暴主誅戮朝賢生
民塗炭卿等同心嫉惡共興義舉良在茲日是日建
牙於軍門收拾甲士三萬餘人馬一千匹船三百艘高
祖謂張弘策曰夫用兵之道心戰爲上兵戰次之乃
使行人封空函以疑劉山陽而定荆土引荊州軍下
沔南立新野郡以集新附三年二月南康王寶融爲
相國以高祖爲征東大將軍封公給鼓吹一部戊申
高祖發襄陽留弟偉守城摠州府事錄事郎臧知韓
漕移檄京師命長史王茂與景陵太守曹景宗爲前
將軍出漢口輕兵沿江逼郢城大破刺史張冲軍於
石橋追斬於九里亭高祖築漢口城以守時張冲軍
復以長史程茂爲主己巳南康王寶融即帝位於江
陵改永元二年爲中興元年遙廢東昏爲涪陵王以
高祖爲左僕射假黃鉞西臺置百官司馬七月襲破
上流征鎮相繼歸款八月前次蕪湖南豫州刺史申
胄棄姑孰奔歸東昏又使屯破墩高祖悉大軍據姑
孰使曹景宗蕭穎達領馬步進屯江寧東昏征虜將
軍李居士率馬步逆戰擊破之進與新亭城主江道
赫失戰於路生擒之而次新林使王茂進據越城曹

景宗據阜茨橋鄧元起據道士塢陳伯之屯籬門李居士收散軍猶據新亭壘請東昏燒南岸邑屋以開戰場自大航以西新亭以北蕩然矣十月石頭軍主朱僧勇率水軍二千歸義東昏又遣征虜將軍王珍國率胡虎牙等列陣於航南大路珍國決死戰大敗投淮死者與航等追兵乘之以濟諸軍相望大潰追至宣陽門東府石頭白下等諸軍並降壬午高祖鎮石頭命衆軍圍城十一月東昏悉燒門內驅逼營署官府並入城有衆二十萬高祖築長圍逼之十二月丙寅日兼衛尉張稷北徐州刺史王珍國斬東昏首送高祖遣使曉喻南徐兗及四方屯戍悉降乃分遣宗黨鎮守而使呂僧珍勒兵封府庫及圖藉壁庶免黨王咥之已下四十八人並誅之宣德皇后下令造廢涪陵王爲東昏侯依漢海昏故事授高祖中書監揚徐軍事大司馬錄尚書驃騎大將軍揚州刺史封建安公食邑萬戶給班劍四十人假黃鉞依晉武陵王司馬遵承制故事已卯高祖入屯閱武堂下令曰皇家不造遘此昏凶禍延動植虐被人鬼社稷之危幾於累卵吾身籍阜宗曲荷先顧受任邊疆推轂萬里投袂受戈克殄多難凡厥負釁咸與惟新可大赦天下唯王咥之已下四十八人不在原例又下令曰一切濫刑濫罰賦役並原放今明昏遞運大道公行

思治之氓來蘇茲日

二年正月齊和帝自江陵遣侍中席闡文兼黃門侍郎樂法才慰勞京邑追贈高祖皇祖散騎常侍皇考侍中戊申宣德皇后臨軒入內殿大司馬承○百寮致敬如前詔進高祖劍履上殿入朝不趨贊拜不名加前後羽葆鼓吹置左右長馬從事中郎掾屬各四人尋進相國封十郡爲梁王備九錫之禮加璽綬遠遊冠位在王公之上加相國綠綬綬任摠百司高祖固辭二月府寮勸進是日焚東昏淫奢異服都六十二事於都街乙丑南兗隊主陳文興於城內鑿井得鑿驎驎玉璧水精環各二枚又鳳皇見建康縣桐下里宣德皇后稱美符瑞歸于相國府丙寅詔梁國初建可依舊選諸要職悉依天朝之制高祖上表曰臣聞以言取士士飾其言以行取人人竭其行所謂才生於世窮達惟期而風流遂行馳騫成俗媒孽誇衒利盡錐刀遂使官人之門肩磨轂擊豈直暴蓋露冕不避寒暑兼乃戢縷杖策風雨必至良由鄉舉里選不師古始請自今選曹精加隱括依舊立簿使冠履無爽名實不違庶人識涯涘造請自息且聞中間立格甲族以二十登仕後門以過立試吏豈所以弘獎風流希向後進此實巨蠹尤宜刊革詔依表施行丙戌詔進梁公爵爲王以豫州南譙益梁國并爲二十郡帝

固辭有詔斷表相國左長史王瑩等率百寮劾請正月辛卯延陵縣華陽邏主戴平以稱云十二月乙酉甘露降茅山彌蔓數里正月己酉邏將潘道益於山石穴中得毛龜一三月辛酉邏將徐靈符又於山東見白麀丙寅平旦山上雲霧四合須臾有玄黃色狀如龍形長十餘丈乍隱乍見久乃西北昇天壽張縣見麒麟一物己未夜郢城有一物如獸毛白而長攀樹而泣若將別者因投城外黃鶴磯水中庾申郢州降梁梁王曰何意罵善軍不曉曰明公試思祭穴何嘗不吠堯王以為知言丙午命三皇八十有二旒建天子旗出警入蹕乘金根車駕六馬備五時副車置毛頭雲罕樂舞八佾設鍾虬言縣三妃王子王女命進號依舊儀丙辰齊帝禪位於梁王王即位於姑孰依唐虞晉宋故事四月辛酉宣德太后下令令歸別宮壬戌齊帝使侍中持節兼太保尚書令汝南縣開國侯侯恣奉皇帝璽紱受終之禮王其陟元后君臨萬方式傳洪業以答上天之休命高祖抗表陳讓於是齊百官豫章王緄等八百一十九人及梁臺侍中臣雲等一百一十七人並上表勸高祖高祖謙讓不受太史令蔣道秀陳天文符讖六十四條事並明著群臣等固請乃從之夏四月丙寅高祖即位南郊設壇柴燎告類于天禮畢備法駕還建康宮太極前殿

大赦天下改元中興二年為

天監元年壬午封齊帝為巴陵王全食一郡一依齊
典行齊正朔降宣德太后為齊文帝妃后王氏為巴
陵王妃詔降前代王公封爵悉皆除省唯宋汝南王
不在除例追尊皇考為文皇帝廟號太祖皇妣張氏
為獻皇后妃郗氏為德皇后益兄懿為長沙王詔封
文武各有差以弟宏為臨川王揚州刺史弟秀為安
城王弟儵為建安王弟恢為鄱陽王弟澹為始安王
詔後宮樂府一切放還戊己巴陵王薨於姑孰謚為
和送終一依宋順帝故事詔分遣內侍周省四方觀
政舉論滯來遺隱問百平蠲獄訟天下有罪許人贖

論復蘭陵武哥縣依前世之制乃立公車府謗木肺

會平

石傍各置一函設有橫議投謗木函五月江州刺史
陳伯之舉兵反使王茂為征南將軍江州刺史討平
之伯之奔魏丁未詔中書監等八人參定律令林邑
國于阗利國各遣使貢方物十二月乙未立小廟甲
子立皇子統為太子是歲旱米一斗五千文人多餓
死立長干寺

案寺記寺在陵縣東長干里內有阿育王舍利塔梁朝改為阿育王寺昔佛涅槃後周勃王朝阿育王造八万四

千舍利塔此其一焉又案梁書大同二年八月高祖改阿育王塔塔下舍利及佛爪髮髮青紺色眾僧以手摩之隨手長短放之則旋屈為蟲形此塔比吳朝因孫繚亂曾毀廢之塔亦同泯平吳後諸道人於舊所建立焉晉末宋初更修飾之至簡文咸安中使沙門程安造小塔未成而亡弟子僧明繼而修立至孝武大元九年上金相輪及承露盤其後離石縣人劉隆阿因死更蘇便出家名惠達行禮次至丹陽未知阿育王塔處乃登城四望見長干里有異氣因就禮拜果見塔所方知必有舍利乃對眾掘地一丈得三石碑各長六尺中碑一有鐵函函內有銀函函內又有金函盛三舍利及爪髮各一枚髮長數尺即還

比立簡文所造四層十六年又使沙門僧尚加三層即高祖所開者也高祖初
穿三四尺得龍甲九尺許方得石石下有石函函內有鐵盃以盛銀坩坩內有
金鍊聖盛三舍利如粟粒大圓正光潔又有瑠璃椀椀得四舍利及爪鬚爪有
一枚為沉香色高祖至寺大會造二利各以金盟及盟重盛舍利爪鬚內七寶
塔中又以石函盛寶塔分入刹下二塔俱放光明勅鎮東將軍邵陵王綸制寺
大功德碑文晉咸和中丹陽尹高懷行至張侯橋見地中有五色光長數尺不
知何怪乃令人於光處剖視之得金像像乃下車載像至長干巷首牛不肯進
慳令御人任牛所之牛直牽車至寺慳因留像付僧每至中夜嘗放光明又聞
宮中有金石之響經一歲臨安縣漁人張係世於海口忽見有銅花跌浮水上
係世取以送縣縣以送臺乃施於像足宛然相當又晉簡文咸安元年交州合
浦縣人董宗之採珠沒水底得光焰交州押送臺以施像上又合焉自咸安歷
隆安二十餘年光跌如其初高懷得像後西域有胡僧五人來詣慳曰昔於天
竺得阿育王所造像來過鄴下值胡寇亂埋像於河邊尋失所在五人嘗一夜
夢像語曰吾出江東為高懷所得埋乃送五僧至寺諸僧見像歡流涕像便
放光耀燭殿宇又瓦棺寺僧慧遠或摸馬像形亦在堂慮虧損金色謂遠曰若
能請像放光回身西向乃可相許也遠便請洋僧之其像即轉坐放光西向當
便摸之又銅花跌上先有石函函內有像像即轉坐放光西向當
任為第四女所造也及晉懷帝時有僧人自西域來持此像入寺內數字悉皆焚燼今
圖諸經變相並是張僧繇所畫也今人以此像為阿育王所造者非人二焉烏雀不致棲息西
見有石塔三層高一丈一尺許其塔身刻有佛名及功德等字寺中亦有石像高五尺
京記光福坊大興寺記云此像乃高祖所造也寺中亦有石像高五尺刻有佛名及功德等字

天監二年四月己卯尚書卿定法度上梁律二十卷

科四十卷扶南龜茲中天竺二國各遣使貢方物交州

進鸚鵡能歌不納置法王寺北去縣二十里

號新林前代苑也梁武義軍至首奔至葉城以法王為名大

去縣六十里李師利建造置佛窟寺北去縣三十里

僧明慶造其寺拓山巖殊稱形勝遂因佛窟而名置

永脩觀東南去縣五十里五月六日武皇帝造至自

觀六年為數不過五人乃併入縣內

三年天下多疾疫

四年正月癸卯詔自今九流常選年未滿三十不通一經不得解褐五月建康縣定陰里生嘉禾一莖十二穗六月立孔子廟十月大舉北伐十二月天清即西南有電光聞雷聲者三歲大穰穀一斛三十文置勸業寺禮部侍郎盧法振造

五年正月丙午廬陵高昌之仁山獲銅劍二始豐獲八日龜一置淨居寺北去縣六十二里潁州刺史劉威造

六年詔隱淪之士皆令自陳三月有象入京師四月置左右驍衛左右遊擊將軍七月甲子太白晝見丙

寅置桂州八月戊戌大風折不京師大水濤入御道七尺乙亥改闕武堂為德陽堂聽訟堂為議賢堂置光宅寺西去縣十里武帝捨宅造寺未成於小莊嚴寺造無量寺像長一丈八尺及鑄銅不足帝又給功德銅三千斤臺內送銅未至像處已見銅車到鑪所於是就冶一灌便足在後臺司銅至方知向來送銅靈感所致及開摸像以成丈九而相好不差又有大錢二枚見衣條上竟不消鏤其年九月欲移像過寺未移前淮中估客每夜輒聞大橋上數百人修道路往視不見人俄而像度光彩輝煥觀者莫不歸心又東都記去秘書省內著作院後有梁武帝及名臣沈

約范雲周嗣已下三公數十人銅像初梁武帝登極乃立私宅為寺寺內有此像後長慶中李士里為明堂採木使舩載至東都置於省內置明慶寺後閤舍人王曇明造去縣十八里寺內有泉水清澈陳梁已前嘗取供御愈疾寺碑太子舍人陳昭之文

七年夏四月乙卯太子納妃赦大辟已下罪五月己亥詔復置宗正太僕大匠鴻臚等卿又增太府太舟充為十二卿六月辛酉復建修二陵周迴五里改陵監為陵令七月壬辰置童子奉車郎置溫槃寺在縣北二十里沙門僧龍造峯頂又有翠微寺天晴日暖望見廣陵城在目前則天陛下之遠蓋二百里前潤州畢

今上因行屬城造於山懷止之分勒石為銘

八年正月詔能通一經始末無差許以叙錄

九年新作緣淮塘北岸起石頭之東南岸起後渚離門連于三橋三月己丑輿駕幸國子學親臨講席賜祭酒已下帛有差四月丁巳選尚書五都令史革用士流是歲置本業寺西去縣五十里比丘淨潔造在蔣山里

十年春正月親祠部南郊六月異蓮一莖三花生樂遊苑九月丙申天西北隆隆有聲赤氣下至地冬十二月山車見於臨城縣庚辰馬鮮卑大破魏軍斬馘十萬後剋煦城是歲初作宮城門三重及開二道置

解脫寺在縣西南六里武帝為德皇后造大清
十一年二月新昌濟陽二郡野蠶成蠶癸丑齊宣
太妃王太后薨

十二年正月詔掩骼埋胔辛巳新作太極殿改為十
三間六月巳巳太廟增基九尺庚子太極殿成

十三年二月丁亥輿駕躬耕藉田孝悌力田增爵一
級老人星見乙亥立皇子綸為邵陵王繹為湘東王
紀為武陵王八月作浮山堰時都下訛言有魃鬼取
人肝肺以祠天狗百姓大懼置勸善寺去縣西北十
八里帝為賢志造

十四年正月乙巳皇太子冠大赦天下賜為父後者
爵一級王公已下有差停遠近上慶禮

十五年詔以兵騶奴婢六十者皆免為庶人

十六年春正月辛未祀南郊詔尤貧家勿收今年三
月調無田業者所在量宜賦給及優蠲產子之家位
理寬獄并振孤老鰥寡不能自存者二月辛亥籍田
甲寅赦罪人三月景子救太醫不得以生類為藥公
家織官紋錦飾並斷仙人鳥跡之形以為褻衣裁剪
有乖仁恕於是祈告天地宗廟以去殺之理欲被之
令識郊廟牲牲皆代以麩其山川諸祀則不時以宗
廟去牲則為不復血食雖公卿異議朝野喧譁竟不
從冬十月宗廟薦着始用蔬果

十七年春二月癸巳雍州刺史安成王秀薨甲辰大赦三月景寅改建安郡王偉為南平王

十八年四月丁巳大赦天下七月甲申老人星見置

惠日寺

燕西南去縣二里阮翻捨宅造之在建西尉定陰里舊說云大同八年丹陽尹王齡造今在縣東二里考其二跡不同此惠日寺是宋之禪林寺王脩儀為屋淨秀立精舍新蔡公主為佛殿泰始三年明帝助修号曰禪林濟惠文起房如此之狀歷歷明天隋末亂離並從毀壞皇初杜伏威與輔公柘等共修殿内丈六金像并左右來侍台武德四年正月十五畢功寺西廢禪林寺亦併入禪林之域其年公柘背叛七年李孝恭來討為軍火所及貞觀七年始移乃惠日之名於此矣

十九年春正月改天監為

普通元年大赦天下丙子日有蝕之扶南高麗遣使

貢獻三月丹滑國貢獻四月河南國貢獻七月江淮

海三瀆並溢九月乙亥夜有日見于東方光爛如火

是歲魏明帝正光元年也置大愛敬寺西南去縣十

八里武帝為太祖文皇帝造大通四年又造一丈六

尺旃檀像量之剩二尺成丈八形次衣文及手足更

重量又剩一尺五分至大通五年寺主僧洽重量又

剩七寸即是長二丈矣大同四年移入大殿勅主書

吳文寵更量又剩五寸凡五度量即長二丈七寸豈

非精誠所感耶置永明寺西北去縣五十里

案寺記南平襄王造置果願尼寺西南去縣五十里東陽

太守王均造須陁寺去縣十七里

二年春正月辛巳祠南郊詔置獨孤園以恤孤幼成

子大赦二月辛田祠明堂四月乙卯改作南北郊丙

大唐武德六年廢上元二年五月奉勅重造

辰詔曰平秩東作義不在南因徙籍田於東郊外十
五里五月己卯琬琰殿火延燒後宮三千餘間八月
丁亥始平郡石鼓村地自開成井方六尺六寸深二
十二丈十二月百濟新羅遣使貢獻以百濟王餘隆
為寧東大將軍

三年五月詔公卿百寮各上封事連帥郡國舉賢良
方正直言之士八月甲子懷利白堤國遣使貢獻十
一月造猛信尼寺西北去縣五十里後閭主書高僧
猛造在鋪山西北梁紹太二年廢上元二年勅令重
造福靜寺西北去縣六里定修義道

四年十二月給事三子雲議鑄錢狼牙脩國遣使
貢獻

五年六月乙酉龍關于曲河陂西行至建陵所過樹
木皆折地開數十丈征北將軍元澍率衆侵魏置衆
造寺西南去縣五十里後閭舍人吳慶之造置菩覺
尼寺在縣東七里穆貴妃造其殿宇房廊剝置奇絕
元帝繹為寺碑

六年正月魏徐州刺史元法僧以城來降封始興
郡王

七年正月詔在位郡縣各舉所知凡是清廉咸須聞
為十一月河南高麗林邑滑國並遣使貢獻
八年正月甲戌大赦改

大通元年辛未祀南郊詔流亡者復其宅業蠲役五年尤貧者勿令出今年三調考弟力田賜爵一級帝創同泰寺寺在宮後別開一門名大通門對寺之南門取返語以協同泰為名帝晨夕講議多遊此門寺在縣東六里

案輿地志在此塔門外惣西平南與臺隔抵廣莫門內路西梁武普通中起是吳之後苑臺延尉之地遷於六門外

以其地為寺無開左右營置四周池塹浮圖九層大殿六所小殿及堂十餘所官各像日月之形禪窟禪房山林之內東西般若臺各三層紫山殿在西北柏殿在其中東南有旋璣殿殿外積石種樹為山有蓋天儀敷水隨滴而轉起寺十餘年一日震火焚寺唯餘瑞儀塔殿其餘略盡即更造而作十二層塔未就而景作亂帝為賊所殺而崩

帝初幸寺捨身改普通八年為大通元年五月丙寅成景雋剋臨潼竹邑十月庚戌魏東豫州刺史元慶降十一月丁卯蕭藻為都督鎮渦口侵魏是歲林邑師子高麗等國各遣使貢獻置園居尼寺

北去縣四十三里大通四年舍人秦頡造

二年二月築寒山堰四月戊戌魏爾朱榮廢君殺三

胡太后臨朝時魏大亂魏三三北海臨淮汝南等並

割地來奔又郢州北青州南荊州皆以地來降十月

帝以魏北海王元顥為魏主令東宮直閭將軍陳慶

之衛兵以送還北魏豫州刺史鄧獻以地降

三年十月改中大通元年大赦賜孝悌力田爵一級

夏四月癸巳陳慶之拔魏梁城進屠考城擒魏濟陰

王暉業五月又進剋虎牢魏莊帝出居河北元顥入

洛陽僭號建元元年稱建武皇帝六月都下疫甚帝

於重雲殿為萬姓設救苦齋以身為禱九月辛未幸

同泰寺設四部無异大會上釋服御法衣行清淨大捨以便省爲房用素床瓦器乘小車私人執役甲午陞法座爲大衆講涅槃經癸卯群臣以錢億萬奉贖皇帝衆僧默許乙酉百辟詣寺東門奉表請還宮三請乃許帝三答書前後並稱頓首十月己酉又大會設四部道俗五萬餘人會畢帝御金輅還宮御太極殿大赦十一月盤盤蠕蠕國並遣使朝貢置禪巖寺西北去縣三十五里大通元年巖祛之造貞觀六年廢上元二年勅重造

二年四月癸丑幸同泰寺六月林邑扶南遣使貢獻八月幸德陽堂

三年四月己巳太子統薨謚曰昭明六月癸丑立昭

明太子于歡譽並爲郡王是月丹國使貢獻七月乙亥立晉安王綱爲皇太子大赦賜爲父後者爵一級及忠孝文武清勤並如之庚寅皇宗族有服屬者並賜湯沐食邑九月狼牙脩國遣使貢獻是歲吳興生野稻飢者賴焉十一月幸同泰寺講般若經十二月魏澹海王高歡舉兵於信都別奉澹海太守元朗爲天子改元號中興其年二月爾朱降等已立獻文孫廣陵王元恭於洛陽改元號普泰

四年二月封諸王嫡子爲王庾子皇子邵陵王綸有罪免爲庶人是日高歡平爾朱氏廢元恭以醜殺之

謚曰節閔年三十五又中興王元朗自以疎屬遜位
別邸高歡立孝文孫平陽王脩於洛陽改元永興又
改永熙七月甲辰星殞如雨十月侍中領國子博士
蕭子顯表置制百孝經助教一人生十人專通上所
釋去經義十二月高麗遣使朝貢是歲魏相高歡以
女年孝武帝元脩為后

正月辛卯祠南郊忽聞異香三陵風至及行事
奏樂迎拜拜畢有神光圓照滿壇上五色食頃乃滅
戊申京師地震辰巳酉長星見五月戊子京師大水御
道通舡海南波斯盤盤遣使朝貢置法苑寺北去縣

五十里

案寺記大涌五年張文定告一各廣化
寺貞觀六年卷上元二年

十六

魏廢

六年二月親耕藉田大賜羣僚力田三月百濟遣使
貢方物四月丁卯以信都將軍元慶和率衆北侵魏
閏八月魏孝武帝西入關都長安以宇文泰為丞相
孝武又與文泰不平至十一月遇酖崩泰立孝文孫
高陽王寶矩為文帝初魏武入關高歡立孝文曾孫
清河王亶世子善見都鄴改元天平號東魏魏於是
始分為兩十二月西南有雷聲止地

七年正月戊申大赦改元

大同元年高麗丹滑波斯等國朝貢壬戌上幸同泰
寺鑄銀像十月黃塵如雪十二月北梁州刺史蘭欽
攻漢中魏梁州刺史元羅降是歲西魏文皇帝大統

元年置頭陀寺東北去縣二十二里

案寺記舍人石與造其寺在蔣山頂第一峯殿

後有泉井與江淮水通隨朝水增減非常靈異累世仍舊

萬福尼寺北去縣十八里吳僧暢

造本願尼寺湘州刺史蕭環造巖栖觀去縣東南六

十里貞觀六年併入洞玄觀

二年正月詔求讜言及令文武官舉士十一月乙亥

詔大舉兵北侵魏壬午幸同泰寺設無尋大齋十一

月雨塵如雪攬之盈掬乙亥大兵班師都下地生白

毛長二尺壬午魏遣使來和詔許之置慈恩寺東南

去縣二十五里邵陵王綸造普光寺東南去縣八十

里安豐縣令張延造化成寺東北去縣七十里江寧

縣令陶道宗造福興寺東北去縣一百里袁平造善

卷之六十七

七

三摩

業尼寺東北去縣五十里蕭恪造寒林寺西北去縣

三十五里常侍陳景造

三年四月辛丑夜朱雀門火壬寅大雨灰黃色七月

東魏遣人來聘閏九月使散騎常侍張臯報聘東魏

冬地大震年飢置一乘寺西北去縣六里邵陵王綸

造在丹陽縣之左隩邸舊開東門門對寺梁末賊起

遂延燒至陳尚書令江惣捨書堂于寺今之堂是也

寺門遍畫凹凸花代稱張僧繇手跡其花乃天竺遺

法朱及青綠所成遠望眼暈如凹凸就視即平世咸

異之乃名凹凸寺置玉清觀西北去縣五十八里南

康令轅哲造

四年三月河南蠕蠕國朝貢東魏人來聘七月散騎
常侍劉孝儀聘東魏八月甲辰詔淮南十二州飢饉
逋租宿債勿收九月閱武於樂遊苑十二月國子助
教黃侃表上禮記疏義五十卷置洞靈觀在縣南四
十里陳宣遠所造

五年春正月乙卯以禮大賜官丁巳御史中丞參禮
儀事賀琛奏今南北郊籍田往還並宜御輦不復乘
輅二郊請用素輦皆以侍中陪乘停大將軍及太僕
詔付尚書博議施行改素輦爲大同輦八月扶南獻
生犀十一月魏人來聘遣侍中柳豹聘之是時都下
訛言云天子取人肝以飼天狗大小相驚日晚閉門
持刀杖數月乃止

六年二月己亥耕籍田五月乙卯河南王遣使獻馬
及方物求經論十四條并請制所定涅槃經般若金
光明經講疏一百三卷七月東魏人來聘九月始興
太守獻嘉禾一莖十七穗

七年二月於宮城西立士林館延集學者若昌蠕蠕
各遣使貢物百濟王求涅槃經疏及醫工畫師毛詩
博士並許之

八年正月安城郡劉敬躬反江州刺史湘東王繹遣
中兵參軍討平擒送都下斬之十一月丙子詔所在
役女丁罷之是歲交州賊李賁攻刺史蕭諮奔越州

九年正月丙申地震生毛置江潭苑去縣二十里

產武誌

新亭鑿渠通新林浦又為池并大

十年春李賁竊號交趾置百官改天德元年三月甲

午幸蘭陵庾子謁建陵陵上有紫雲覆久而乃散帝

望陵流涕所沾草木變色陵旁先有枯泉是時流水

香潔辛丑帝哭於脩陵又於皇基寺設法會賜蘭陵

老少位各一階所經縣邑放今年租調因賦還舊鄉

詩己酉幸京口登北固樓因改為北顧又幸迴賓亭

宴帝鄉故老及迎候者數千人各賜錢三千文五月辛

州刺史盧子雄兄弟被誅乃舉兵反廣州刺史蕭映

討平之十一月大雪三尺

李賁本一

十九

卷

十一年正月震華林園光嚴殿帝自貶拜謝上天累

刻乃止置履道寺西北去縣二十五里

案注言集自威將軍給事後閣舍人章法

護置渴寒寺西北去縣二十五里

十二年正月改年為

中大同元年曲阿縣建陵隧口石壁邪起舞有大蛇

鬪隧中其一被傷奔走又青虫食陵樹葉俱盡癸

交州刺史楊暉剋交趾嘉寧城李賁走入屈獠洞交

州平三月庚戌幸同泰寺講三惠經乃捨身為奴四

月皇太子已下群日出錢億萬奉贖是夜同泰寺為

天火所燒略盡六月辛巳天有聲如雷及風水相薄

之音七月甲子詔今已後有犯罪非大逆及殺父母

已下並勿坐丙寅詔通用足陌錢甲午湯盤陔國貢
方物

二年正月改

太清元年北齊高歡薨二月白虹貫日庚辰東魏司
徒濮陽王彥景率河南十三州地歸降使行臺丁和
奉表帝許之壬午以景為大將軍封河南王大行臺
承制如鄧禹故事甲辰以司州刺史羊鴉仁柏和等
率兵應接侯景乙巳帝陞光嚴殿講三惠經又捨身
群臣以億萬奉贖僧眾默許百辟詣鳳莊門上表請
帝帝三答之稱頓首丁亥服袞冕還宮辛太極殿如
初即位之禮是日甲馬出太子獻寶馬頌六月以雍

州刺史鄱陽王範為征北將軍總管緣邊初附之州

以大將軍侯景為錄尚書十一月軍至寒山為後魏

慕容紹宗大敗之蕭明被執置幽巖寺北去縣四十

里永康公主造

索釋法論集牛頭山佛窟寺大毗曇師傳云永聖二年
法師入秣陵青山始創舍名曰幽巖與佛窟相去十里

毗曇所立不
去永康矣立儀香尼寺西北去縣五十里宮獲造

二年正月朔兩月相承如鈞見西方詔大臣各舉所

知己亥交州刺史楊暉司馬陳霸先破屈獠洞斬李

賁傳首京師六月天裂於西北長十丈闊二丈光出

若電聲動如雷七月使常侍謝琨於東魏結和八月

侯景敗歸自壽陽舉兵反十月攻下馬頭破歷陽自

採石臨江詔邵陵王綸討景景自橫江渡于採石卒

亥至京師十一月邵陵王入援京師乙酉戰于玄武湖東而保愛敬寺爲賊所破十二月戊申天西北裂有光如火時柳仲禮等入援京師以仲禮爲都督置靈隱寺西北去縣五十里炁待公所造

三年三月丁巳侯景破仲禮于青塘壬午火守心乙酉太白晝見三月乙卯景攻陷宮城縱兵大掠巳巳景自矯詔爲大丞相四月乙酉高祖以所求不供以憂憤寢疾五月丙辰帝幽殿而崩于淨居殿年八十六辛巳遷大行皇帝於太極殿冬十一月追尊爲武皇帝廟號高祖乙卯葬于脩陵高祖自初捨身後或書經坐禪盡日不食又於元光殿坐師子座講金字

一千九百一十七

十一

卷九

經文於五明殿施素床瓦器以用性純孝年六歲獻皇后崩水漿不入口三日哭泣哀苦有過成人及文皇帝崩初爲齊王諮議在荊州聞問便投地絕漿及居宸極手不釋卷常至於夜燈燭不絕先著孝經義周易六十四卦二繫文言序卦等義毛詩問答尚書大義中庸講論老子疏凡二百餘卷並正先儒之迷開古聖之旨并撰吉凶軍賓嘉五禮凡一千餘卷又製涅槃大明三淨等經義疏數百卷又撰通史聘讚序凡六百卷天性銳敏下筆成章又著文集一百卷又撰金策三十卷明諸醫問卜筮陰陽律候並決之善隸書解騎射弓馬甚不奇妙衣服儉素冬衣不綿

一冠二年一被三年年一五十九即斷房室六宮無錦
繡之飾不飲酒不聽音樂開蕩蕩之王道革靡靡之
商俗鼓扇玄風興重儒而素然不能息末敦本斲雕為
樸慕名好事崇尚浮華抑揚孔墨留連釋老侯景立
皇太子綱為簡文帝

太宗簡文皇帝

簡文帝字世讚名綱武帝太子太清三年五月武帝
崩侯景立帝改元

大寶元年二年八月侯景廢帝立豫章王棟使呂季
略送詔令帝寫之帝書至先皇念神器之重思社稷
之固越弁非次遂主震方嗚咽不能自止賊眾皆為

掩泣十一月帝遇害謚簡文帝廟號太宗年四十九

豫章王棟即位其年十一月景又廢帝自稱漢

昭明太子子歡之子歡二子長曰棟次曰勰小曰標俱既廢帝者自立年六月征
為漢王改太始元年立一曰日而廢帝太始元年是大寶二年也

南將軍陳霸先從南康下頓西昌時湘東王繹遣征

東將軍王僧辯督眾軍下討侯景師次湓城陳霸先

率杜僧明侯安都等甲兵三萬將往會焉先遣長史

沈袞奉表江陵勸湘東王進位十一月王授霸先都

督東陽新安會稽臨淮永嘉五郡軍事平東將軍揚

州刺史

三年正月發僧辯等諸軍自湓城與霸先會于白茅
津共登洲立壇刑牲飲血盟約同心併力進討侯景

詞理悲切泣下沾衣詞曰賊臣侯景凶羯小胡逆天

無狀今上御名造姦惡違背恩義掠我國家毒害生民移改

宗廟我高祖聰明睿聖光宅天下劬勞兆庶五十餘

年侯景以窮見歸撫之如子故我高祖於景何薄百

姓於景何辜而景肆長戟以凌威朝廷聘鋸牙而殘害

百類皇枝襁褓之上皆窮刃極俎豈有人臣忍聞此

痛臣僧辯霸先荷湘東王泣血之寄摩足之恩抽腸

瀝膽誓誅姦逆雪天地之怨耻報君父之仇讎同心

叶咏罔有違戾若一欺莫明靈殛之二月大軍進姑

孰先鋒次蔡洲侯景登石頭望官軍之盛不悅密謂

左右曰彼軍上有紫氣不可當也乃使盧暉恪守石頭

自於石城北築數壘而據高嶺以拒霸先霸先於石城

西北連營立柵至落星山左右俱進霸先謂軍吏曰

善用兵者如常山地令其救首尾困而無暇於是

日平定侯景矣陳霸先進屯京口

案梁書云王僧辯破侯景景之走也郭元建舉廣陵以歸

款請降景子鑿奔清江說元建曰我曹梁氏讎豈能相活耶遂與建謀反降北齊齊使將軍辛術來援廣陵霸先將欲往廣陵納軍至歐陽聞元建已投北齊遂還軍京口

世祖孝元皇帝

元帝諱繹武帝子先封湘東王荊州刺史大寶二年

即位於江陵改號承聖元年以陳霸先為司空南徐

州刺史岳陽王蕭詧引西魏軍寇江陵三年十月西

魏將于謹圍江陵十一月城陷帝為魏人所殺年四

敬皇帝

敬皇帝諱方智元帝第九子先封晉安王江州刺史
霸先僧辯以承聖三年十二月迎入建康即位改元
紹泰元年是月蕭詵立於江陵號太安元年稱後梁
五月北齊送蕭懿第五子貞陽侯淵歸主梁嗣七月
僧辯納之立爲帝以敬帝爲太子霸先聞之遣使四
諫不從霸先憤密謂所親曰武皇盤石之宗遠布四
海至於剋雪讎耻寧濟艱難唯孝元而已功業茂盛
前代未聞我與王公俱受重寄聲猶在耳語未絕音
豈期一旦便有異同嗣主武皇之孫元帝之子海內
矚目天下宅心音有何辜生我廢黜遠求夷狄假立非
次觀其此情亦可知矣乃密與徐慶侯安都周文育等
謀反水陸俱進襲王僧辯使周文育率勇士夜至石頭
北踰垣而入霸先自引軍入南門左右告僧辯外有軍
僧辯驚起未及召軍主而周文育與僧辯子頽戰於庭
霸先攻南門而入僧辯大敗窘急登城南樓霸先因
風縱火僧辯就擒縊而斬之遂廢貞陽侯而復方智
爲帝改紹泰元年進霸先都督中外軍事車騎大將
軍揚州牧司空如故班劔鼓吹時義興太守章載震
州刺史杜龕等聞僧辯之誅遂舉兵反於吳興霸先
自往討之秦州刺史徐嗣徽南豫州刺史任約等

霸先不在密招北齊舉兵乘虛渡江掩至關下侯安都拒之乃據石頭霸先聞之卷甲還都十一月北齊遣兵五千渡江據姑孰又遣安州刺史翟子崇劉士榮等及淮州刺史柳達摩以兵一萬於湖墅以米三萬石馬千匹潛渡據石頭霸先命侯安都水軍夜襲湖墅燒齊舩舫令周鐵虎率丹師斷齊運輸霸先自領精騎出西明門以襲齊軍十二月盡命衆軍分部對治城以舩渡兵攻其水南二柵柳達摩拒淮據之霸先督衆軍疾戰縱火燒柵煙塵漲天齊人敗走使侯安都水軍追破嗣徽舩走達摩等合衆軍入保石頭霸先於石頭南北岸絕其汲路又壅塞城

東門城中諸井無水水一合質米一勝米一勝質銷一匹或炒米而食之達摩謂其衆曰我在此聞謠言云石頭擣兩福擣青復擣黃昔侯景着青色已倒於此今吾徒衣黃豈不是謠言驗乎庚辰達摩請和霸先爲許之與城外盟約任其將士南北辛酉霸先陳兵石頭南門送齊人北歸及至皆殺之

二年三月齊將蕭軌東方老裴英洛州刺史李希光并任約徐嗣徽衆軍十萬出柵口向梁山頓軍蕪湖五月丙申齊軍至秣陵故城霸先遣周文育屯方山徐慶屯馬牧霸先自率宗室王侯朝臣等立壇於司馬門外仁虎闕下刑牲告天以齊人背約食言慷慨

涕泗交流士卒觀者益加奮勇辛丑齊軍於秣陵東
跨淮上橋引兵度自方山進及倪塘游騎至城下震
恐霸先潛以兵三千配沈泰度江襲齊軍行臺趙彥琛
於瓜步獲其舟粟之輜重是日天子摠羽林禁兵頓
長干寺六月甲辰齊兵度鍾山龍尾據幕府山霸先
又遣錢明水軍出江乘斷齊人運糧齊人大飢殺馬
以食之壬子齊軍至玄武湖西北將屯北郊壇壝朝
先引軍自覆舟山東移於郊南與齊人對陣其夜大
雨雪電暴風拔木平地水深一丈餘齊軍日夜坐立
泥中懸萑而爨足指皆爛而城中及潮溝北水退路
乾官軍常得乾地時食盡霸先懼軍人皆給麥餅兵
士甚饑會陳倩自東陽送米二千石鴨千頭霸先乃
炊飯煮鴨蒸軍士一戰乃克之及旦身計裹糧肉數
鬻畢自率麾下於幕府山南吳明徹沈泰等衆軍首
尾齊舉縱兵大戰侯安都自白下斷其後齊師大潰
相藉死者不可勝計生執徐嗣徽斬之以徇追奔至
江乘攝山虜蕭軌東方老裴英李希光王僧智等四
十六人其餘軍士得竄至江者自廬龍縛筏以濟中
流筏廢溺死者不知幾極流屍至京口鬻水彌岸唯
任約王僧悳免丁巳霸先出南州燒賊船乙未斬
徐嗣老傅野猪于建康市誅齊將等於城下改元
太平元年秋九月天子進霸先位丞相錄尚書事揚

州刺史義興郡公

二年正月又加霸先斑劍三十人置丞相別榻霸先房從悉追贈之二月廣州刺史蕭勃反泐江而下南江州刺史余頊以兵應之霸先令周之育討平之八月甲午進霸先位太傅加黃鉞劍履上殿入朝不趨贊拜不名給前後羽葆置皂輪九月進摠百揆封十郡爲陳公備九錫之禮授纁紘遠遊冠位在諸侯王上陳國置官屬一依舊式十月進爵爲王加冕旒建旌旗出警入蹕乘金根車駕六馬備五時副車置旌頭雲罕舞八佾設鍾簋宮懸陳臺並依齊宋故事辛未帝禪位於陳王乃命太尉王通長父王瑒奉皇上帝纁紘受終之禮一依唐虞故事帝智遜位別宮霸先三讓群臣固請以太平二年十月乙亥霸先設壇于南郊即皇帝位柴燎告天禮畢輿駕還建康宮臨太極殿大赦改永定元年奉帝爲江陰王行梁正朔服色一依前典

史臣曰唐鄭國公魏徵曰梁太祖固天攸縱聰明稽古道亞生知學爲博物允文允武多才多藝爰自諸生有不羈之度屬昏兇肆虐天倫及禍亂合義旅將雪家冤曰紂可伐不期而會龍躍樊漢電激湘郢剪離德如振槁取獨夫如拾遺其雄武大略固無得稱焉旣縣白旗之首方應皇天之睠今乃布德施惠

悅近來遠大修文教盛飾禮容聲振寰區澤浸遐裔
千戈載戢九數十年濟濟焉洋洋焉魏晉已來未若
斯之盛也或終夜不寢終日不食非全道以制物唯
飾智以警愚卑心遺榮虛廁倉頭之位高談脫屣終
戀黃屋之尊夫人之大欲在乎飲食男女至於軒冕
殿宇非有切身之累高祖屏除嗜慾眷戀軒冕通於
所難而滯於所易可謂神有所不迨智有所不及矣
及夫精華稍竭鳳德已衰惑於聽受權在邪佞儲后
百辟莫能盡言躁險之心暮年踰其利而後動復諫
違卜開門揖盜奔好即讎疊起蕭牆禍成戎羯身殞
非命災被億兆衣冠斃於鋒鏑之下老幼粉於戎馬

齊書卷七

十八

張用

之足瞻彼黍離痛深周廟永言麥秀悲甚殷墟自古
以安為危既成而敗顛覆之速書契所未聞也

偽漢侯景字萬景父標本朔方人移家於鴈門少驍
勇有膽力魏末遷北鎮戍兵稍立功効魏胡太后臨
朝朝政紊亂天柱將軍爾朱榮自晉陽入殺胡氏景
以私衆見榮甚竒之即委之典軍事會榮南逼命景
先驅以功拜定州刺史始魏相高歡微時與景相友
好及歡入洛爾朱氏景復以衆歸之仍為歡委用
景殘虐馭軍嚴整然破掠所得財物皆頒將士故
人人咸為之用命所向多捷後為河南道大行臺位
司徒言於歡曰請兵三萬橫行天下要須濟縛取

蕭衍老公作太平寺主歡壯其言使擁衆十萬專制河南仗任若已之半體及歡疾篤謂子澄曰侯景狡猾多計反覆難知我死後必不爲汝用乃以書召之景懼禍乃以梁太清元年遣行臺郎中丁和上表請降梁武封爲河南王又遣行臺左丞王偉詣闕請立元貞爲魏主梁乃封貞咸陽王資以乘輿副御高澄又遣慕容紹宗追破景入渦陽食盡士卒散景乃收散卒得八百人奔壽陽爾後徵來稍闕表䟽跋扈鄴陽王軌鎮合肥司州刺史羊鴉仁表稱景有異志梁相朱异曰景數百叛虜何能爲事抑而不奏景知臨賀王正德怨望朝廷乃密使要結以爲內應八月景發兵濟自歷陽高祖命邵陵王綸督衆軍巡江防邊蕭正德屯丹陽至是率兵與景會合景乘勢遂至關下西豐公大春奔石頭走景遣將于子悅據之景乃立正德爲帝於儀賢堂改年曰正平正德拜景天柱將軍以女妻之又攻陷東府城城內文武百官裸身而出使交兵殺之死者三千餘人又起土山以臨臺城綸馬步三萬以據鍾山景於覆舟山列陣南安侯駿衆退軍亂敗績十二月景引玄武湖水灌臺城闕前御街並爲洪波燒劫府寺營衛市肆郭區內外居人略盡湘東王世子方矩李遷哲羊鴉仁任尊等援軍四方雲合衆號百萬景乞和宣城王大器僕射王

